

# Energiltaksfond – vedtekter

Ål kommune vedtok i kommunestyremøte den 16.06.2005 å opprette eit energiltaksfond.

Fondet skal gå til å støtte tiltak som reduserer bruken av elektrisk energi hjå vanlege forbrukarar i kommunen, ikkje i større kommunale bygg. I tillegg skal fondet fremje bruk av lokale, fornybare råstoff.

Det vart løyvd kr.1.000.000,- til fondet.

Framtidig avsetjing til fondet skal kome frå overskot frå Ål Kraftverk KF.

Kommunestyret vedtek for kvart år ved avslutningen av reknskapen til Ål Kraftverk KF bruk og avsetjing til fondet etter framlegg frå styret i Ål Kraftverk KF.

Privatpersonar med eigedom brukt til fast busetnad, organisasjonar og bedrifter lokalisert i Ål kommune kan søkje. Tiltak ved kommunale eine- og tomannsbustader kan også få stønad.

Vedtektene blir rullert kvart 2. år, der statistikk for bruk og effekt av energiltaksfondet blir lagt fram.

## TILTAK DET VERT GJETT STØNAD TIL:

Det kan etter søknad gjevast eit tilskot på generelt inntil 20 % av investeringa. Pelletsomnar og pelletstankar får ein stønad på inntil 30 %. Storleiken på investeringa må kunne dokumenterast. Maksimalsatsar er vist i tabell 1.

Tiltak	Vedomn	Pellets omn utan vass varming	Pellets omn med vass varming	Luft til luft varme pumpe	Vatn til vatn varme pumpe	Ved-kjel	Flis-fyr	Pellets-fyr	Luft til vatn varme-pumpe	Pellets-tank
Maksimal stønad (kr)	3500	6000	9000	5000	30000	30000	30000	30000	25000	4500

Tiltak	Utskifting av Vindaug	Etterisolering av kalde loft ("rull'n ut")	Montering av sentralt styringssystem for å senke temperatur i periodar
Maksimal stønad (kr)	5000	5000	5000

Tabell 1. Maksimalsatsar i stønad frå energiltaksfondet

**Luft til luft varmepumper**, også installasjon er med i grunnlaget for stønad.

**Vatn til vatn varmepumper**, også borehol/grøfter, kollektor, kuldebærar og installasjon.

**Flis/pellets og vedfyringsanlegg**, grøfter og fordeling mellom hus, flissilo og installasjon er med i grunnlaget.

**Pelletsomnar**, også tilknytning til pipe.

**Vedomnar og lukka peisar**, også tilknytning til pipe. Ildstaden må være reintbrennande.

**Nye energikjelder**, varmeproduserande einingar i tråd med formålet.

**Informasjons- og opplysningsarbeid** som støttar opp under målsetningane for fondet. Storleiken på støtta vert avgjort i kvart tilfelle.

**Stønad til utskifting av glas:** Glasa må være meir enn 20 år gamle i utgangspunktet. Stønad på 500 kr pr vindauge. U-verdien på glaset må være 1.2 eller mindre. Maksimal stønad er 5000 kroner pr hus.

**Etterisolering av loft:** 40 kr pr m<sup>2</sup> pr 10 cm ekstra isolasjon. Maksimalt 5000 kroner pr hus. (Eksempel: Hus på 100 m<sup>2</sup> grunnflate med 10 cm ekstra isolasjon = 4000 kr i stønad)

**Styringssystem for varmekjelder (Dag/natt senking):** Det blir gjett 20 % av kostnaden. Maksimalt 5000 kroner.

**Pelletstank:** Også skruer for automatisk mating er med i grunnlaget.

## **TILTAK SOM IKKJE KJEM INNUNDER STØTTEORDNINGA**

Tiltak som er installert for meir enn 2 år sidan.

Røykpiper, vassløyfer innomhus, radiatorar, varmefordelingsanlegg, fyrrom, naturgassinstallasjonar samt andre bygningsmessige konstruksjonar. Etterisolering eller anna bygningsmessig arbeid utanom etterisolering av kalde loft og utskifting av vindauge, sjå over.

Det er ein føresetnad for støtte at tiltaka er i samsvar med krav i aktuelle lover og reglar på området.

## **HANDSAMING AV SØKNAD**

Stønad vil bli gjett i etterkant av tiltaket.

Ål kommune vil offentleggjere ordninga med ein søknadsfrist: 1. Januar pr år. ( Årsskifte etter at tiltaket er utført).

Med søknaden må det fylgje med informasjon om målepunktid og tillating til å innhente informasjon om bruk av straum på den oppgitte målepunktid. Dette for å kunne vurdere verknaden av tiltaket over tid. Kopi av alle kvitteringar i samband med tiltaket må også fylgje med.

Rådmannen, via den han peikar ut, vil handsame søknadene og gje søkjarane ei skriftleg melding om resultatet. Formannskap/energiutval handsamar klaga. Det er 3 vekers klagefrist på vedtak.

Formannskap / energiutval kan løpande prioritere kva tiltak som skal gjes tilskot.

## **KONTROLL**

Ål kommune har rett til å kontrollere at installasjonar er utført slik det er søkt om, og etter desse retningslinjene. Straumbruken før anlegg kom i drift, og 2 år etter vil bli henta inn for å fastslå verknad av tiltaket.